



Broj: 01- 471/25

Sarajevo: 19. 5. 2025.godine

PREDSTAVNIČKI DOM

PARLAMENTARNE SKUPŠTINE BOSNE I HERCEGOVINE

n/r predsjedavajućeg

Šemsudin Mehmedović

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 19-05-2025			
Organizaciona jedinica	Klasifikaciona oznaka	Redni broj	Broj priloga
01-	50-1-	1168	25

U skladu s čl. 170. i 171. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 53/22) postavljam sljedeće

**ZASTUPNIČKO PITANJE ZA
AGENCIJU ZA DŽAVNU SLUŽBU BOSNE I HERCEGOVINE**

Da li je i kojim aktom je propisan vremenski okvir u kojem je potrebno provesti konkursnu proceduru popunjavanja upražnjenog radnog mjesta državnog službenika u institucijama Bosne i Hercegovine?

Zbog čega konkursne procedure u pojedinim institucijama traju duže od pola godine, dok se u nekim institucijama završavaju za dva mjeseca ili čak kraće za identičan broj oglašanih pozicija? Da li to znači da Agencija za državnu službu pogoduje određenim institucijama, kojima rukovode kadrovi HDZ-a BiH, da u kraćem roku završe konkursne procedure u odnosu na ostale institucije?

Zbog čega Agencija za državnu službu, kao nezavisne eksperte sa liste eksperata Agencije, u konkursne komisije imenuje osobe koje ne posjeduju potrebna znanja i nemaju potrebne kvalifikacije da bi bili članovi komisija? Zašto se za članove komisija sa liste eksperata u konkursne komisije za popunjavanje najnižih pozicija stručnih saradnika i viših stručnih saradnika imenuju direktori, zamjenici direktora i drugi rukovodeći državni službenici, i to u pravilu iz reda hrvatskog naroda? Zar je moguće da na listi eksperata nema stručnih savjetnika i šefova koji mogu biti članovi konkursnih komisija? Zar je moguće da na listi eksperata nema dovoljno stručnih osoba koji se izjašnjavaju kao Bošnjaci i zašto se članovi komisija ne imenuju u skladu proporcionalnom zastupljenosti konstitutivnih naroda i Ostalih?

Zašto Agencija za državnu službu, suprotno odredbama Zakona o državnoj službi, odbija da postupi po zahtjevima brojnih institucija i raspiše interne oglase za popunjavanje radnih mjesta rukovodećih državnih službenika, dok privilegiranim institucijama ekspresno odobrava takve interne oglase?

Potrebno je da Agencija dostavi spisak svih lica koja su imenovana na listu eksperata u komisije za izbor državnih službenika koje imenuje Agencija na način: Spisak svih eksperata koji su zaposleni u institucijama Bosne i Hercegovine sa sljedećim podacima: ime i prezime, pozicija eksperta i naziv institucije, i to posebne spiskove za sve eksperte koji su rukovodeći državni

službenici, šefovi odjela i stručni savjetnici, kao i poseban spisak za druge eksperte zaposlene u institucijama Bosne i Hercegovine, a koji nemaju status državnog službenika. Također, potrebno je dostaviti i listu eksperata koji nisu zaposleni u institucijama Bosne i Hercegovine sa gore navedenim podacima.

U skladu s članom 171. st. (2) Poslovnika Predstavničkog doma odgovor u pisanoj formi mora se dostaviti **u roku od 30 dana** od dana kada je pitanje dostavljeno onome kome je upućeno.

Zakonom o parlamentarnom nadzoru („Službeni glasnik BiH“, br. 25/18) propisane su sankcije za neodgovaranje na poslanička pitanja (član 64. stav (1.) tačka a) i b) Zakona).

Članom 6. ovog zakona propisano je da zastupnici provode nadzor nad radom institucija Bosne i Hercegovine postavljanjem zastupničkih pitanja, a članom 7. stav 2. istog zakona, utvrđeno je da se parlamentarni nadzor provodi radi preventivne zaštite od zloupotrebe položaja i ovlaštenja, materijalnih i finansijskih resursa.

S poštovanjem,

ZASTUPNIK PS BiH
Šemsudin Mehmedović

